

知止齋詩集

知止齋詩集卷第七

常熟 翁心存 二銘

古今體詩一百十二首

起辛巳六月在南昌是年冬由浙河還里歲暮抵家作

苦熱

豫章俗簡陋編屋初結茅韋丹爲郡日教民始用陶闌
闌雖改色結構終不牢豈無富厚子華構干雲霄齊民
那有此湫隘還塵囂連甍比鱗櫛斗室環周遭小庭界
方罫旁牖通疏寮薄櫨支楞散籬壁編篋笏稍稍施粉
堊僅僅黏漆膠單層蓋瓠甕四角維索綯穿墉怕鼠穴
揭瓦防貓跳明河影正逗斜照光全捎坐愁風雨至子

翁心存

室嗟翹翹疾風卷地來
薨桷皆動搖一鎧燐火閃萬竅
寒蟲號猛雨天瓢傾漏溼上下交
水衣漫階砌瀑布飛
堂坳風雨未愁絕愁絕惟炎歎
南州五六月秋陽氣正
驕熾熾萬炬列獵獵千林燒
呼吸鬱攸塞蘊隆匝匝包
竹木得火性觸手疑灼焦
貼席汗已透揮扇涼難招
時懷代馬感那免吳牛
諷譬如蟹將饋躁擾持雙螯
又如魚入釜糜爛魂無逃
晚來庭畔望一綫青天高
羨彼飲風露嘒嘒吟秋蛸
頗憶尚湖畔夜月停蘭橈
蓮房墜紅粉瑟瑟迎清飈
安得騰身上兩腋生羽毛
浩然歸故鄉

寥廓高翔翺

消暑分詠得浮瓜沈李

汲得清泉注玉匳，華堂深下水精簾。
綠搖冰谷珠光冷，紅帶嫌山雪味甜。
好佐碧筍盃共泛，相邀白戰子同拈。
何須鎮向心頭臥，已覺消除正午炎。

高會南皮興未闌，安陽朱李墜雲端。
盤傾寶月三霄露，波浸繁星數點寒。
但覺中邊涼易透，應嫌紅縹味猶酸。
笑他檢點牙籌者，汗出如漿手自鑽。

洪州古鐘歌

并敘

鐘爲唐南平王鍾傳所鑄，後失火燒損。
南唐節度使林仁肇重鑄，舊在普賢寺。
明洪武中都指揮宋晟遷。

於廣橋南建樓以度之

豫章高樓度古鐘倒影俯瞰東湖東蒲半夜吼發幽響
迴異凡叩聲春容江濤怒翻白月沒似寫萬古牢愁胸
閒行摩挲剔落蘇銘識一一詳前蹤南平大王初捨此
中間劫奪於祝融乾德五年歲丁卯今來留守林侍中
奏聞重捨俸錢鑄永充供養垂無窮維唐末造失綱紀
藩鎮割據歸羣雄高安鎮撫負販子願盼絕特人中龍
夜深醉歸手搏虎彷彿赤帝起沛豐陷危乘險義弗取
能使策力資牢籠後來折節更下士廣興禮樂鳴笙鏞
吉金聲相得圓滿廿載果以功名終虎兒偉岸氣蓋世

戈麾落日彎琯弓是時南唐勢日削天水謠讖驚兒童
日營舊疆憤所切思復淮甸爭奇功大聲增呖豈窺櫛
聳曠那復可使聰威名竟遭敵國忌巧設反閒欺愚蒙
畫圖空館亦何有杯鳩遽賜馳黃封長城自壞不二稔
金陵王氣荒江空二公才略頗相似獲霑福利迺不同
時來運去有代謝我欲扣爾諍蒼穹重觀銘文三太息
丹誠耿耿句語工上祈皇王綿福履宗社呵護長興隆
歲華安吉祿位固下保眷屬兼身宮當年造郝陳大計
願捐百口成孤忠身家殄滅復何恨所恨不得開昏蒙
念家山破淚洗面此際儻亦思林公牽機畢命入地下

有何面目重相逢宋年唐紀體似荆後人紛辯皆夢夢
主憂臣辱奉正朔藩服敢不皆遵從公也自援殷人例
特冠唐字知朝宗周正商祀我聞昔春秋鴻範取義通
功成歸國禍歸已千載誰復明深衷江州羅漢押綱去
此鐘幸未埋蒿蓬初施乃在隆興寺後徙傑閣尤穹窿
普賢鐵象近遭火筍簾尚保唐時銅雕鏤遠想鳧氏巧
霧雨剝蝕留旋蟲娉婷里前春草碧南平宅在崇梵坊
旁有娉婷里南平
侍兒齊城岡下秋花紅南昌縣東十里仁肇墓在焉仁
所居
縣治今遺址莫攷矣雄聲震響徹三界西山夜夜號悲風

附錄鐘銘

安邊忠武功臣宣猛將軍前守池州刺史池州團練使宣化軍節度副使在城馬步都軍使知揚州軍府事武信軍節度使鎮海軍節度使宣國軍節度使建武軍節度使守左神衛軍統軍本軍都軍使國城都城脩開城壕都檢校使武昌軍節度兼管屯使靜江軍節度使知南都留守檢校太尉兼侍中南昌尹開國侯食邑一千戶林仁肇捨俸錢重鑄龍興寺銅鐘一口永充供養觀夫善人宏願治民畢功箕箒高懸蒲牢迭應無閑始息集震響於春雷羣動初驚壓雄聲於曉鼓結界之地布金之園設此堅牢同爲壯觀

伏願上窮碧落歷淨方而聽必咸歡下徹泥犁遍業
 趣而聞皆離苦觸類聞此俱脫羽鱗然後軍度之間
 城隍之外臭耳俱登於善道止心長叶於於妙 缺 宗
 社興隆皇王福履以上仁肇身官克固祿位恆延保
 眷屬之利貞踐歲華而安吉所有衆心信士福利同
 增仗此良因永為不朽時唐乾德五年太歲丁卯二
 月庚申朔二十五日甲申記勾當鑄鐘講經論僧文
 機僧惠徵壇僧洪節左街首座申報左右街僧錄司
 公事長講經論大德賜紫洪義鑄鐘匠人王思王 缺
 王 缺 郭德此鐘是先南平大王捨於保大十一年內

因外延火入寺燒損今來留守林侍中奏聞自捨俸
料錢僱匠人重鑄得聲相圓滿願先南平鍾大王同
靈福利 按鍾傳居江西三十餘年天祐三年卒則
其爲鎮南軍節度使當在唐僖宗乾符初至林仁肇
重鑄此鐘時已將百年矣仁肇本南唐臣南唐服於
宋故用宋年號而仍冠以唐字

七夕雜詠

青雀西來信使通遠勞王母降虛空如何夜半長生殿
不見雲輶杳靄中

宦拙應非盡乏才從知神駿委蒿萊汾陽巧絕真無比

只乞人間富貴來

高樓多是列仙居，錦繡光明日上初。
我媿一身無長物，篋中猶鼻腹中書。

曩在京師時，與惠欽壘東字韻酬酢數四至。七夕二篇，余不能復和矣。夜坐無慘戲詠牛女，仍用前韻寄示惠欽。

澹澹羅雲瑟瑟風，誰橋橫架九霄中。
支機有石沈波白，貫月無查灑淚紅。
宵杼定知愁帝子，聘錢應悔借天公。
何時銀漢懷中墮，盡瀉漸臺水向東。

城郭森嚴靜不風，玉夫伺報過宵中。
天衣露浣三秋碧

河鼓芒分六點紅
夜月機絲憐漢帝
飛霞環佩乞韓公
雙星例作詩人料
小雅材先詠大東

秋熱

新秋無日不炎蒸
轉覺孤懷鬱滯增
雞肋每愁供白鳥
鶴翎生怕點蒼蠅
目迴紫氣朝衝斗
夢入黃河夜踏冰
安得好風吹汝去
停雲落月見良朋

晚眺

自入秋來日日晴
林鳩嘯急喚涼生
雄風乍卷雲微涌
雌霓旋橫雨不成
屋角娟娟窺月額
天邊隱隱尚雷聲
閒攜矮榻中庭臥
祇覺銀河分外清

秋夜躍龍橋翫月

江城寂寂可憐宵，獨岸綸巾上畫橋。
涼露滿湖雙匹練，嫩雲如水一枝簫。
當頭圓魄逢三五，舊夢清商記六幺。
最憶秦淮疏柳外，珠簾暮卷蕩輕橈。

月夜步百花洲上循東湖而歸

颯氣浮江城，離蟬暮已靜。
獨游厭囂塵，曠矚得幽境。
沿洄涉三洲，澹澹俯千頃。
澄潭秋茫茫，素魄光罔罔。
渟泓涵萬象，上下合雙影。
夜明樓閣搖，倒映星河永。
濯足胷蒼鬚，支頤凭槐瘦。
波間魚乍跳，沙際鶴先警。
明滅見漁燈，微茫辨笮簪。
人定月已午，漏深籤轉丙。
歸塗遵東湖。

回首望西嶺沈沈臥煙嵐
森森亂風荇露重蕉衫涼香
凝藕花冷升沈悟幻泡身世歎浮梗
何當揮羽扇長嘯
從吳猛

外舅秋濤先生攝永甯令受代還南昌喜得相晤
敬賦一章奉呈

白髮酡顏嬰鑠翁扁舟贛石載清風
更無長物家園盡
欲典春衣宦橐空戶大年來豪興減
眼明燈下細書工
尚湖煙景何須買莫戀西江涸轍窮

螺墩二首

滄江異境闢林蘿無數樓臺襯綠莎
四面虛窗秋影入

三分流水月明多開顏新婦千重黛彈指平添一朶波
最好煙鬟遙映處粧成頻點石家螺

小橋曲折柳當門供養花王薦鶯樽

中有花王廟

六枳疏籬

環蓼渚雙江秋氣漱雲根桂洲零落奇礪石

庭中奇石高丈餘上

鐫桂洲二字八分書明夏忠愍家故物也

梅嶺參差墮髻痕試訪巨源招隱

地在東湖側

他年莫認謝公墩

乾隆年間南昌令徐君午始鑿石構軒亭

遂爲南州勝地

九日陪朗軒母舅過楊明經宅同出惠民門游螺

墩汎舟江中至蓼洲就江樓小飲步月而歸

江城高會說龍沙

龍沙在城北九日登高處

怕到登臨轉憶家九日

寒風吹木葉十年游客走天涯尋秋共訪幽人宅乘興

思浮上漢橙悔不三家村裏住更從春水望桃花三家村在

城西桃花最盛

纔出城隈到岸隈亂山如玦擁千堆野航偏仄三人坐

水閣周遭四面開草草離悰催客去茫茫秋色度江來

何時孤櫂遊虔石飽看螺亭積翠回聽舅氏談虔州八境臺之勝

歸涂蕩槩翦波紋同上江樓倚夕曛沙鷺白翻蘆渚雪

估帆紅聚蓼洲雲人喧亥市雙螯賤酒買丁坊一醖醺

丁坊江右酒名閒插菊花開口笑月華如水雁離羣

楊明經忘其名字年六十餘貌甚古樸其先爲雲南宣慰司康熙中改土歸流安置南昌受宅一區田百

啟遂占
籍焉

鳴鑾路曲

灌城花落春歸去，鼙鼓沈沈咽。朱鷺盡日嬌，鶯宛轉。嗁
低回，猶認鳴鑾路。鳴鑾路，初自南唐翠輦經過，御道長
淺草暗鋪金。埒輓遊絲，低拂玉塵香。南朝王氣千年竭，
鈴聲淒斷鸞聲歇。法曲喧隨蚤，莫潮流珠舞。破家山月
江潮江月總饒餽，保大會無遠。大模五鬼錯教參議，幄
六飛枉復向洪都。乘流癡想恢淮甸，宮車晚出長春殿。
便到重泉拜永陵，可憐難見先王面。先王基業本艱難，
五十年中江表安。東海魚飛符發讖，南郊月退照升壇。

奇功屢黜謀臣計錐處囊中待時勢失算時嗤劉寄奴
開邊每笑隋煬帝甌閩湘楚正縱橫王氏驕奢馬氏爭
蓄銳爲思先北略按兵且緩議南征漁家唱罷重酸楚
李花零落春無主拓定中原志未酬爲兒嚙指知心苦
嗣主雍容更好文兩江翼又靜煙氛化龍早兆西楹夢
琢玉爭誇南嶽君中年意氣囊括鐵騎長驅下潭越
仙子迎來耿道人將軍替去邊菩薩廊廟多材宋與馮
遺言在耳忽如風當時記覓飛龍子今日翻呼田舍翁
飛芻輓粟紛難紀血戰頻年力憊矣山東日夜望鑾輿
不見皇威投袂起鴻鵠高翔養羽毛如何覓食下平皋

德昌兵甲藏千萬孤負先人締造勞周師金鼓來天上
再戰全淮拱手讓揭屋方知風雨狂割江難恃河山壯
此際雄圖委逝波此時無奈皖公何上游根本雖牢固
地陘爭容萬騎多天狼夜擲殘獐脚病翮離襪憐老鶴
啖蔗從教味到頭靈槎終憶崆峒樂龍舟悠漾落星灣
玉輅巡行竟不還腸斷那勞頻北顧魂歸可尚戀西山
巢禽繞樹安枝少堪歎朝廷從此小蟻夢沈酣臥榻旁
依然鼾睡忘昏曉江北楊花作雪飛江南李樹玉團枝
一池春水干卿事已被人量采石磯虎兒浩氣茫成彗
虎蹲洲上長虹墜誓死勤王未肯降洪州不媿宸游地

霸業銷沈付劫灰迎鑿江上起風雷
龍沙日暮陰雲合可似中興御仗來

洪州雜詩三十首

壺盧一箇渡江東來向南州采土風
地畫鬼方江以外天連澤國水當中
虛論海鳥安鐘鼓欲療河魚少鞠窮
梅未學通侯語法擬懷鉛槧問揚雄

荆揚江漢水朝宗力扼中流此要衝
襟帶十川歸蠡澤毗連三楚控鄰封
星分翼軫風如虎地涌波濤劍是龍
北望匡山南庾嶺鬱蔥佳氣繞重重

椒邱城壘拱名邦突兀軍山怒未降
九派奔騰環寺步

重湖吐納貫章江宗民租布輸三萬盤石腴田墾百雙
不見松陽門內樹扶疏千丈影幢幢

邸閣環城枕水湄倉儲建昉六朝時均輸利自歸平準
積貯權尤重度支地暖水耕多再熟土膏精稻說重思
豐收薄賦民何幸努力緩循在有司

蕭仙戴笠鳳皇飛下九潮生沒釣圻霧合四山多急雨
風號三伏長炎威衝泥閣閣宜高屐落絮陰陰易損衣
長似吳中梅綻候秧鉞微露鰕初肥

江水肥仁利導渠奴耕婢織足安居雞鳴布白霞相似
鸚啄秬紅玉不如亥市賣喧雕背舫辰瓜耘倚鶴頭鉏

麤衣糲食差堪羨猶是風淳太古初

郝箄涂琴製作殊
泮柯杉枋鬼工輸
伐材久改隋時制
範像猶存晉代模
落日蓼洲橫大艚
西風柴步集飛鱸
明珠大貝雖銷歇
水陸由來是奧區

聞道當年俗尚僎
長鳴怕唱汝南雞
黛螺曉鏡當壚掩
榆莢春風背面號
釵釧羨他鹽客婦
靡蕪悔學孝廉妻
生憎不及鴛鴦侶
纔過南塘亦並棲

疏寮對啟四阿排
偈仄落痕欲上階
明月照庭方似罽
秋陽緣隙薄于蝸
地寬聊擬禪中蝨
天小真爲井底蛙
不是武陽遺愛在
那能風雨庇吾儕

閒徵軼事助譌詼子夜休聽鬼唱哀山外秦人仙洞閉
地中笨伯講堂開思從彭澤求如願儻遇風神解愛才
吟罷低頭弄明月恐教木客笑癡駮

蘭橈半渡上遼津欲向空江采白蘋風雨池邊花似錦
娉婷里外草如茵西山秋月逢蕭史南浦春雲送美人
譜就夜烏嘯一闋清商幽怨落梁塵

江涵遠影蕩斜曛帝子樓高歌管聞盡日鷓鴣晴喚雨
一春蝴蝶暖翻雲柘枝翹妙呈蠻舞雀舫淒清感鄂君
此際尋芳倍惆悵更無人憶杜司勳

吸盡西江水太渾鷓鴣典去舌猶存宦情祇有二章在

士氣惟餘一榻尊巨扇每衝晴雪影仙書都化綵雲痕
饒他煉汞燒丹客賸得空囊氣亦吞

重綿初卸恰衣單氣候殊方豫定難山外乍陰還乍霽
江頭旋暖又旋寒炎涼景自移昏晝高下田多慮潦乾
遠客好加調護在翻雲覆雨太無端

晴和無侶共登攀客緒如絲不可刪攬勝閒披古圖畫
臥游難得好江山雲轔影逐罌風香玉佩聲從夜月還
多事飛仙自來往可能天上勝人間

休論鶴問與牛眠此地由來小洞天學士多矜習風水
居人每喜說神仙靈槎遠憶三千里留讖虛傳八百年

我是夢中遺綵筆曉寒曾奏衍波箋

蜃窟龍宮靜沈寥峩峩鐵柱鎮逍遙虛堂罔兩秋無影
白日冠鼉氣不驕侂子擊旛鴉啄肉老巫揮羽鳳吹簫
山來襪鬼風難草擬仿靈均賦大招

久夢風山簪六爻巫咸休更索瓊茅波臣不信江先涸
燕子偏疑幕可巢中酒客能馴猛虎揚舲吾欲斬浮蛟
澹臺友教聞三百莫道今時少石交

清霜五夜吼蒲牢懷古空增夢寐勞漢代權方歸太守
高賢位尚屈功曹雲卿廢圃堆沙磔嵩伯書堂半蔚蒿
莫向塵寰矜月旦灌園磨鏡有人豪

躍龍橋下翫晴波一往情深喚奈何風露娟娟上脩竹
錦霞片片墜秋荷船來贛水蘭香遠雲近尋陽雁影多
裙屐少年高興甚晚來連臂按新歌

鎮日孤蹤看落霞吾生空自歎無涯魚鰕江上難爲侶
雞犬雲中別有家漫擬攢眉辭淨土虛教忍淚聽琵琶
來時招隱曾相約及早還鄉就桂花

一洗逢時俗學場探囊聊試合歡湯高懷好住逃名地
慧業須登選佛場自昔衣冠存四姓何人翰墨繼三王
文壇詩派歐黃在不獨南豐祝瓣香

象牙江上舊屯營吳楚中間此戰爭急景霜凋蘇武節

高秋日落灌嬰城浮雲西北千層幻反氣東南一旦平
煙水沈沈樵舍外金牀玉枕夢難成

東湖東去樹冥冥傑閣千秋講武亭谷鹿洲前雲氣黑
鳴鑾路畔柳條青白衣西上思吞日黃屋南遷指落星
強弱可憐均失計偏隅終是小朝廷

百粵關河控制憑豫章高館築峻嶒漢家將本從天下
秦戍軍真徧地興橫浦波瀾通五嶺樓船旗幟建三層
承平今日無烽燧弩手休誇較射能

蒼茫獨立上南樓斫地看天倚蒺藜高閣月明歌舞歇
情城花發古今愁厭原羣嶺皆西拱章貢雙江正北流

極目鄉關東望遠吳歎唱徹大刀頭

豫章堊堊出黃金枉自披沙鑿土尋寶氣有亭終變化
石頭無信定浮沈灘前苦竹應生筍爨下焦桐孰斲琴
料得匡廬游已勸龍門也怕聽南音

閒攜酒榼與茶籃勝景龍沙九月探雙井細斟雲母液
三蕉新釀洞庭柑秋屏窈窕窺層嶂極浦空明映遠嵐
暢好洪都游翫地風光總不似江南

黑金入市客愁添策策寒風朔氣嚴略似飛茅連脊瘦
難求啖蔗到頭甜謀生擬種三千橘作序誰酬五百緡
賸有一枝斑管在那堪才已盡江淹

寂寂真同石闕街深源書竟達空函疇敷李贄高人席
且脫成芳隱士衫襍被一身餘短鬢木蘭三翼理歸帆
壓裝賴有新詩卷詞筆雖蕪莫浪芟

西山廿絕句

拄頰朝朝讀水經散原山色想娉婷何當一舸浮江去
飽看煙鬟萬疊青

鸞岡鶴嶺對參差明月吹笙信有之極目周遭三百里
仙都蹤跡少人知

挹袖支筇又拍肩洪厓蕭史日周旋何須更羨飛昇樂
人在齡霄十二天

藤橘丫童左右扶長瓢巨扇雪精耀祇今洪井飛橋側
還有先生杖履無

不見仙人梅子真飛鴻孤影碧嶙峋神官護短憑愚甚
莫把封章上界陳

鸞車龍駕起徘徊拔宅沖虛事可猜眷屬盡教天上住
只愁無地起樓臺

多情始合列仙班花雨繽紛響佩環千載秦樓騎鳳後
又傳唐韻在人間

星壇遙護九光霞鍊汞燒丹此作家我笑仙人太狡獪
蓮峰朵朵變桃花

洞中聞有避秦人
洞口仙源好問津
今日太平無界限
不須苦戀武陵春

敲金戛玉拂珠璣
風雨池邊木四圍
遮莫出山霑灑徧
休教空逐綵雲飛

七寶莊嚴禮竺皇
香城風送梵聲長
死心去後雲峰住
大好江西選佛場

雨華臺畔翠巖東
峭石脩篁杳靄中
香界長留六朝月
紅塵吹斷一江風

讀書堂下客星幽
麤鳳中原不可求
千古高風陳處士
更無人說宋齊邱

宰木蒼涼常侍墳齊王祠廟走颺颺南唐風物今何在
賸有荒江幾縷雲

金龍玉簡鎮仙城藥臼胡牀琢不成怪底英雄老劉凜
神燈夜夜照銅精

鐘磬清音左右懸玉簾隔斷響濺濺西江一口渾難吸
且試人間第八泉

羅漢茶香含豆葉將軍樹老偃虬枝山僧自禮澄源塔
村女猶歌采葛詞

斗牛紫氣識龍光神物千年莫久藏一盞空澆北巖土
深山無侶說干將

石頭津下駐回橈無準春風早晚潮
園苑自多青雀使
那勞書札寄洪喬

山南多是列仙居
山北精嚴構佛廬
我本非仙亦非佛
要來靈境讀奇書

雙劍篇贈熊墨樵茂才兆麀并示劉滄洲孝廉士

瀛

我攜長劍游南州
遙瞻雙龍躡斗牛
江聲嶽色蕩胸臆
一洗眼界無凡儔
南州豪傑人物海
就中弁冕推熊劉
劉子玉立鬚髯脩
高吟獨倚百尺樓
西馳巴蜀北燕豫
江山勝概奚囊收
君才卓犖筆力邁
萬象囊括窮雕鏤

導江岷源漢嶠家詩派文體追黃歐竭來劉子正倦遊
君與角逐日倡酬文壇掉鞅交衢舞上駟各各矜驕驪
靡旌摩壘工力敵部伍嚴整森戈矛晉楚迭主執牛耳
不數小國莒與鄒又如雙劍屹相向下視羣嶺疇則侔
揚瀾左蠡浴日月吐納九派皆纖流我來定交在杵臼
忘形豈藉縞紵投自慚屠龍氣已盡五色並見驚純鈎
龍沙九月風颼颼仁見鷹隼翔高秋一爲矯矯雲際鶴
一爲汎汎波中鷗干將飛騰莫邪伏神物變化茫難求
中宵鷄尾望紫氣尚有一縷孤光幽二君才力旣相似
胡爲有售有不售得毋至寶必韜晦東序何以陳天球

儻云孚尹必旁達雙剛乃是荆山璆升沈遲速偶然耳
洵有天意非人謀他年左提兼右挈終當合力襄

皇猷所惜霜蹠暫時蹶先鞭君竟輸一籌江清木落攬
敝裘余亦囊空彈蒯緱明春買醉燕臺下獨與劉子相
綢繆散原飛雲不到眼能勿南望歌四愁贈君華陰土
一甌芙蓉瀾發光躍鞬延津會合定有日詩成一笑凌

滄洲

朗軒舅氏別已八年頃自永甯來南昌追隨而月
而余又將東歸矣敬呈五章奉別

八年違杖履忽訝雪盈顛詩律老逾細旅懷窮益堅算

齡將七十歸路近三千唱徹刀環曲臨風一黯然

搖落已如此羶難胡不歸稻梁知拙計鴻雁惜分飛世
事隨緣度家山與夢違莫言鄉國好祇恐淚霑衣

記得城南宅寒宵送客舟一從帆放腳幾度月當頭落
絮渾無主飛蓬不自由異方萍梗合及此共淹留

羈愁憐暮齒壯志媿吾生作客無秦越周親况舅甥同
餐江右飯不盡渭陽情蹤跡殊相似蹉跎恨未平

頻歲游燕豫遙知會面難謁來江水外仍隔楚雲端相
見曾無幾將離慘不歡秋風峭帆去蘆雪影漫漫

外舅秋濤先生寘酒話別相對沈瀾敬留一章奉

贈

手把離觴意未申
黯然推案起逡巡
十年宦橐貧如洗
一月宵燈話最真
何日牽船辭手版
便應漉酒脫頭巾
嚴光披得羊裘去
願約仙翁共隱淪

發南昌

一笑揚帆去扁舟
又欲東江湖同浩浩
歲月此恩恩舊
夢蕉藏鹿游蹤雪
印鴻高堂懸望久
敢說鮒魚窮

盱江道中

輕舟直下蕩斜曛
觸目淒清客思紛
微斷沙痕晴作雪
乍澄水面氣成雲
天寒漲落洲初見
港窄灣多路不分

只恐稻梁謀未穩賓鴻無數尚呼羣

舟行偶興

水落平於掌舟行路漸遙歸雲無定影寒樹未全凋
梅不驅黃犢貧難辦黑貂長途蕭瑟甚豪興已全消

行行人千越望望隔章江遠岸洲三五腴田畝百雙鴉
棲牛背穩魚避釣絲慢風物雖娛目吾終戀舊邦

冬來湖水斂望不見番陽汊轉帆三面天高雁一行烏
杭炊飲熟蟹舍臥波涼料彼安居者應憐客太忙

檣盡靜無風輕舟泊瑞洪江沙微溜滑蘆雪夕陽烘景
入詩情寫愁將酒力攻壯懷何所託吟興掩孤篷

瑞洪晚眺

來時巨浸欲稽空此際盈盈一望中日漾晴波金瓌碎
風敲寒蘼玉玲瓏蒼葭映鷺參差白鳥柏漫山淺澹紅
估客落篷齊向岸滿村鐃鼓賽蕭公

馬中敲火折蘆吹銀鱗登盤雪滿匙檣畔穩翻鸚鵡舞
樓頭微唱鷓鴣詞忘機心定鷗先覺覓食謀空雁共知
打草人還喧渡口晚來泊處更須移

涂次卽目

洲外蘆灘灘外田重隄又界一條川隔隄更有帆如馬
不辨蒼茫何處船

破帆二十韻

晨星浸湖光冷氣破殘夢檣鳥微有聲作作西風動連
艖銜尾開巧借一帆送我舟十幅帆索敝簷亦洞蕭蕭
樹挂瓢屑屑苞解纓飄揚似翦翼破碎類鑿空過簫篷
腳輕排水船腹重前舟去已遠得意矜逸鞚後舟作氣
前飛翔擬鸞鳳而我於其間委蛇若賓從我情自安問
我僕互譏諷風翮須有力天衣貴無縫何不補綴完萬
里任操縱顧笑謂童僕爾言一何嘗雖非鵬圖溟幸未
鷁退宋稍抑競進心且免傾側恐脫遇打頭風帆好亦
安用履茲夷坦途豈必越凡衆銅鉦曉日明霜葉晴霞

凍酌我酒敵寒一醉與汝共

餘干道中

琵琶洲畔樹零星愁絕西風干越亭帆腳遠連雲影白
船頭高擁浪花青峰連上素明如畫水接揚瀾氣尚腥
欲訪梅巖讀書處谿山風雨不堪聽

餘干懷古

甌閩揚越地毗連在昔邊防此地偏秦尉一軍屯譴戍
漢兵兩道下戈船波濤北控鄱陽口斥堠南通太末煙
今日

承平中外謚不須重問古山川

早發黃金步

曉泊黃金步，衾寒夢乍醒。
霧吞湖氣白，山剗燒痕青。
販米村船集，陳魚野市腥。
茲鄉何足戀，風順好揚舲。

金盤山英布冢

并敘

史記正義英布冢在饒州鄱陽縣北百五十二里十
三步江西通志以爲在安仁縣金盤山未詳孰是茲
蓋就所經之地賦之

秦鹿亡楚狐起，五年吞屠殆盡矣。沛中亭長作天子，當
黥而王安足喜。布欲何爲爲帝耳，四海掃蕩無纖塵。未
央置酒擁美人，儲君未定孰撫軍。區區絳灌僅保身，猛

士零落如秋雲布也用兵號最神東收吳會南甌閩鼓
行而西疇比倫山東關右如絲棼乃公力疾起自將旗
鼓相當會甄上一戰再戰潰不收茲鄉民竟得布頭上
策不用用下策此事詎足爲布惜所惜不能忍須臾咸
陽日落赤帝殂宮中雉雌劉氏孤布當此時奮臂呼因
利伺便真良圖交結尉佗通單于成敗正未知何如謀
之不遠胡爲乎坐令殄滅亡身軀往年誅韓信今年醢
彭越箭在弦上不得不發舉事可憐太倉卒嗚呼布誠
人中英雄略那得如漢高鞭笞大將若兒子布已久在
掌握操既能令布喜亦能令布怒甘聽隨何背西楚楚

今日亡明日虜君不見三軍縞素屯滎陽正名爲義帝
發喪讎歟殺帝者迺是九江王不反亦亡反亦亡布果
爲楚殺義帝歸楚歸漢甯再計胡爲反覆令人制此事
疑似終未明漢家青史無定評空教千載被惡名焉知
造計非陳平噫吁噫愁雲萬疊連東嶠夜夜陰風發狂
嘯杯酒何人酌鬼雄村民競賽番君廟

舟子船四十韻

鮒轍江波涸萍蹤客思添看囊金告罄買權價貪廉名
號符雕背形模類鴨簽迴殊三板闊巧作兩頭纖檣柱
中央轟牂牁四面鈴帆安張十葉舵薄夾雙尖住插孤

篙穩行牽百丈牯喧厖臆踞雜呖軋勝聲嫌鷁首支鑪
竈舷旁漑釜鶯裁管弓執曲編籜竹枝箝半啟前艙便
全關後牖嚴入時躬必俯坐處意甯怵寬恰舒衾幅卑
防礙帽簷高低隨布席界限只懸簾六斷爻排耦中連
卦象謙推移瓶蓋脫匱匝屋茅苦偶共鄰船泊常虞惡
客覘縛加椶纜密縮用鐵鉤銛冒頂蝸藏殼掀篷鏡側
匱欠伸蘇渴睡顧盼得遐瞻疏理侵嵐瘴回身避午炎
鬢輪沙鷺白面逐曉烏黔緣隙搖銀蠟微痕印素蟾未
憂霜露重最怕雨風兼墨墨天長暮牀牀霑欲霑昏疑
鑽故紙悶甚下車檐炊飯煙千縷煎茶火一杓目迷將

霧障衣點畏哀黏作字書難辨哦詩韻懶拈破顏詢異
俗瑣事悉窮閭籍貫鉛山隸生涯鼎餽占浮家真泛泛
俛語笑詰詰硯紙油光滑砂饒蜜掾甜賤收江右米貴
販浙西鹽江西惟廣信一府食浙鹽春滿君陽樹秋深蠹澤兼負舟
同豕涉踏浪比魚潛微命勞筋力長年飽麥飶裝輕資
亦少灘過夢都恬急景雲霞暗歸涂歲月淹窮愁聊賦
物莫陋小言詹

上灘二首

高溪從南來緣崖聳列岫蜿蜒蟠驚龍蹲伏森猛獸激
束使水高勇與石力鬪漫漫蹴晴波汨汨決奔溜橫空

雪練寒孤削雲根
痿紙確輪斜飛魚
砉砉微逗噲呖鏡
鼓喧幽咽笙竽奏
千迴尚鬱盤一瀉
乃疾走脫鞞鷹爪
拳中的箭鋒透珠
璣百斛翻綺縠萬
層皺我行逆風濤
寸寸敦弓發篙師
負舟趨絕叫杖夾
脰失手一刹那呼
吸安可捄危乎履
戈矛凜若犯甲冑
目眩亡其精齒冷
不敢漱何當宅煙
霞永享喬松壽

我聞灩澦奇峯巖
在天上吾愛贛江
險乘興思一訪茲
行固坦坦奇險安
足望豈知上水船
宛似登天擘詭屈
沿坡陀突兀插屏
障盤渦忽雷鳴挾
石以風壯擊楫進
如牆作勢怒相向
崩崖萬牛挽動地
千人唱河魚鼓蠹

飛秋隼側身讓轉鬪氣無前采入力而抗憶我初來時
正值春波漲瞬息百里間指顧見清曠及此理歸橈舉
足觸駭浪幸免顛濟虞布帆尚無恙上下本一塗夷險
乃殊狀涉險貴不驚遵夷亦須防始悟執偏隅未足得
圓相持躬慎周旋一笑吾其儻

發玉山至常山篔輿行萬山中風雨淒其煙嵐重
夢得十截句

曉霧惺忪凍不飛陰陰如絮撲人衣生憎無數癡雲影
苦戀寒峰未肯歸

穿過重圍上畫橋石闌橫互鬱岩堯灘聲一路琤琮響

尚有冰溪凍未消

疏林行盡見平田
漠漠輕陰欲雪天
對面不知峰遠近
似濃還澹鎖寒煙

縷縷飛雲釜氣蒸
輕於柳絮薄於絳
隨風颺過山尖去
橫抹山腰又一層

亂峰如玦更如環
石徑微茫往復還
忘卻身從雲裏過
但看風雨滿前山

支頤莫恃筍輿安
滑滑衝泥寸步難
行到半山人跡少
亂吹寒蕻雨聲乾

山坳斷處野人家
茅屋雙栖瑟縮鴉
幾樹垂垂烏柏子

寒星萬點認梅花

合沓層巒四面包
縈紆路向隔林鈔
還從山口回頭望
一帶人家在樹梢

突兀孤峰擁畫屏
幽篁環翠路冥冥
一聲長嘯哀猿和
如夢寒山喚不醒

四山暝色不分明
樵唱微聞斷續聲
寒月半規雲外吐
萬家燈火定陽城

常山旅舍題壁

偶御天風自往還
月明愁聽唱刀環
身如寒雀枝頭凍
夢逐浮雲嶺上閒
潤轍怕迎江右水
開顏重見越中山

青霞童子如相問爲報几情一例刪

常山放舟

放棹緣溪去風吹客夢醒水過江右碧山到越中青雲
氣千層幻灘聲一路聽登盤朱橘好撲鼻發芳馨

越山

越山青似黛越女白如花鏡照桐江水鬟分繡嶺霞留
人烹日鑄勸客飯胡麻怪底劉郎去頻年不憶家

泊衢州

三更依岸泊四望眼俱明月射中軍宅雲高大未城厭
聽俛語重漸覺越音清莫作龜山操臨風萬感生

越中女

越中女兩頰嘵紅怨秋雨生長江山九姓船不識風霜
與塵土宛轉新翻羅噴詞低回慢按杯槃舞越中女豔
如花斜倚篷窗臉斷霞輕衫雙髻鬢堆鴉十三學箜篌
十四學琵琶十五坐春風盈盈正破瓜頓喉一聲唱嘖
嘖萬人誇不願萬人誇羞顏半面遮訴將無限心中事
博得纏頭養一家一家恃女以爲命曾費明珠百斛聘
描就青螺柳葉齊粧成紅肉桃花映姬水波平翦穀裙
女樓月落窺菱鏡飛絮隨風不自由可憐忘卻耶孃姓
耶孃本佳浣花村繞屋桑麻綠掩門貪看眼底金銀氣

割斷心頭骨肉恩強隨中婦調銀柱教向衝筵侑玉尊
一片寒潮朝暮上爲儂嗚咽瀉唬痕朝泛錢塘潮暮宿
桐江水莫作女兒身薄命竟如此勸君休采並頭蓮蓮
房憔悴秋心死羨煞鴛鴦廿六雙雙雙穩睡煙波裏

夾岸疏林橘實盡矣因事感歎率成長句

一帶青林橘實空歸期悔不趁秋風祇餘鐵榦凌霜綠
無復金丸映日紅萬戶侯封歸掌上千頭奴婢住山中
謀生自笑吾何拙輸與江陵足穀翁

曾勉耘年丈濟歸耕圖

昔賢勗風塵每作耦耕想豈知數不偶此志竟成枉維

公與先人古懽結姻黨同敦道義交同上賢書勝公蚤
縮墨綬吏事勞鞅掌先人晚司鐸東海開函丈素書千
里通歷歷溯疇曩相期急抽身煙笠契幽賞日歸終未
歸寸心同悒快閩嶠雲沈冥胸陽雲莽蒼訟庭琴罷鳴
講堂瑟輟響丹旄同歸來鷗盟在泉壤披公歸耕圖肅
然拜遺像連峰宰木深澗水春苗長日暮虞山陰先靈
定來往

躬耕活一身代耕活萬民代耕五斗米躬耕三百困勞
心與勞力食報若未均原其方寸地萬象能生春公初
宦伊雒後官於甌閩如田亦有畔如耦亦有畛非種務

盡去良苗亦懷新奚必課晴雨始展四體勤伊子先君
子石室紬遺文桃花倚天紅瀉鹵開荒榛行藏雖殊趣
教養皆陶甄要先培其本乃令善者伸公如上農夫力
勤美報臻季子修治譜芸劬大令世德傳貞純顧予實寡昧
大患先業湮播穰弗終畝矧克荷析薪種之必陳義熟
之必爲仁補詩歌潔白用以質後人

知止齋詩集卷第八

常熟 翁心存 二銘

古今體詩八十六首

起壬午入都是年登第入翰林
癸未甲申居京師乙酉典試福

建出闈後赴廣東學政任
丙戌丁亥按試各郡作

渡沂水

壬午

一笑沿沂去吾師黠也狂春風帶楊柳晴旭上樽桑水
活知魚樂鷗閒看客忙塵纓雖可濯未敢詠滄浪

側理紙

陟釐品歷桑根紙今之所見母乃是玉版雲英化劫灰
一番孤賸珍如此分明認取海苔紋典午當年記策勳

水仙裁就鮫工製隱隱天邊起碧雲芸香辟蠹薰靈笈
封裏重重蓉粉襲一縷銀光漾白萍開函猶帶秋濤溼
天上輕寒賦衍波流黃九萬洗明河若教雷電從空下
攝取琅玕奈爾何流傳習習逾千載神物護持色不改
逸少含毫未敢書中宵煜爚流光彩吁嗟乎博物從來
讓茂先癡心妄擬託瑯嬛麟毫鐵研銷沈久不見豐城
氣燭天

送陸萊臧同年我嵩出宰閩中

登山不到第一峰排雲不上第一重雙鳧飛入人海中
手持萬朵青芙蓉化爲膏雨點點濃寸長亦補大造功

金臺三月春光融桃花李花色正穠
圍場廣闊懸豕熊
觀者如堵目力窮萬人爭奪顏高弓我揖其耦何雍容
誰歟抗手陸士龍心閒神定孰敢雄中眉志目技未工
相眎大笑驚兒童

天門詠蕩來薰風

詔書畫下明光宮我留芸閣攻雕蟲君去閩嶠司雷封
九仙樓閣煙濛濛蓬壺相望東海東武夷洞天靈秀鍾
螺江清泚波玲瓏一洗磊落芥蒂胸何論得失兼窮通
君年正壯學力充精金百鍊試及鋒勿耽詩酒安疏慵
飲泉懸鏡圭璧躬力鉏頑梗蘇疲瘵佩牛帶犢歸三農

催科早竣輸正供大開鄉校鳴笙鏞不數石室圖文翁
後有杜母謂少京同年紹祚前陸公謂心蘭師君繼其迹將毋同三
年政成歌黃龔瑤箋報我託塞鴻勝餽三百方家紅

送何絜人同年觀揚出宰中州兼寄邵子山大令

堂

歲在攝提格雲物秋茫茫我行發夷門躡屨來

帝鄉腰間七寶劍凜凜生寒芒見君人海中逸氣不敢
狂豈料五年後與君高頡頏君今縮墨綬于役指大梁
大梁我舊游利病夙所詳爲君誦芻言期君永不忘

東南重財賦西北重繇役豫州天地中財匱役尤劇防

河輸芟楗徵斂有期額上官盛供張迎送更絡繹排戶
科車牛那復顧農隙青青彼子衿不免服轅輓繫豈良
吏懷畏此簡書迫鞭笞及甯越徒以塞簿責公家固有
程民力亦宜惜忍矜一己才而令一方瘠

國家敷郵治

渥澤周寰瀛百有八十載四海安承平奈何譸張子草
竊敢弄兵近聞汝蔡間遺孽猶縱橫此輩皆土著豈盡
飢寒并身家亦有念胡忍輕其生輾轉被煽惑哀此蚩
蚩氓孰爲善化導非在口舌爭士者四民首源澄流自
清盍先飭庠序比戶弦歌聲

帝重親民官

臨軒策多士拔迹在一朝牽絲宰百里念茲稽古榮受
恩逾分矣返躬問初心夫豈爲貧仕讀律縱未諳清節
固易矢勿謂

帝闈遠

天威近尺咫學勤可補拙守潔先戒侈讀書務實用報
國從茲始

我游蓬澤上遂登梁王臺簫管響沈歇古人安在哉下
方九萬戶雲氣鬱不開黃河天際橫八月聲如雷我時
偕邵子攬勝起裘徊洞觀發清嘯題詩埽綠苔君往尋

舊軌且傾掌中杯
跋余值羈宦不得相追陪
寄聲成臯尹恢恢
王尊才何時惠芳訊
好逐南風來

趙王墳歌 并序

許墅關金絲巷學宮後有古墓俗稱趙王墳
明權使方公創建義塾碑記則稱宋定城令亦未詳姓氏
嘉慶丙子陸子湘茂才廷燦董脩學宮封墓得石乃知
令姓趙名用字彌明卒以嘉定乙巳葬於嘉定乙亥
王則其夫人之氏也何絜人屬余作詩

長洲里彭華鄉佳城鬱鬱當南岡
誰歟斯邱體魄藏土人指點說趙王
圖經但記定城令不知世代况名姓
竭

來鋤地得方輒歷歷書年宋嘉定筮云吉卜云凶龍沙
之墓墮水中不如茲地纔一弓幽宮之文不刊不闕傳
無窮字彌明姓趙氏生年僅得中壽耳葬以乙亥卒已
已數到金蠶出土時積歲剛周十丙子當年侂冑召敵
氛江淮之際方紛紜疆場之吏職典軍胡爲寂寂竟不
聞得毋掣肘難建勳并無大手筆爲作諛墓文孰銘貞
石子若孫差勝呼爲冥漠君吁嗟乎荒冢纍纍半無主
松柏爲薪碣作礎昔時千騎上北邙今日岡頭臥牧豎
何幸六百年保此一坏土君不見玉匣珠襦出會稽冬
青一樹曉風淒六陵慘澹無王氣賸有年年杜宇啼

陳貞婦楊氏詩

楊氏女陳氏婦成乎婦耶猶未奉箕帚全乎女耶育于
楊已久幼失怙恃煢煢何依依吾母吾姑吾父吾舅

解一

香纓結兮驪駕設兮嘉禮未成遽永訣兮玉樹長埋鏡

月缺兮女心傷摧肝腸絕兮

解二

舅姑謂女女非吾婦吾

女也今日事宜從權女乃衰經躡踊而來前所不生爲

陳人死爲陳鬼者上有蒼天下有黃泉

解三

女知讀書女

知從一夫亡年十七女卒年七十歷五十年如一日

解四

爲夫孝養爲夫立後力舉喪葬躬操井臼

天子知之旌門傳不朽里人誦之百年不去口楊氏女

陳氏母

五解

次韻鹿樵觀察寄示游野狐泉詩

畦亭春滿且尋幽，拓室臨池萬象收。
近鹽水偏饒淡味，出山泉總是清流。
政成添得扶疏柳，民靜渾如浩蕩鷗。
大有陶唐遺俗在，何須高蹈挹浮邱。

中條嵐翠映寒澗，鎮日周旋鶴與琴。
疏鑿略施經濟手，清冷聊寫祓除心。
微波不動魚忘餌，樂意相關鳥護林。
莫便抽簪歸去也，好教蒲霍徧棠陰。

和盧南石師春雪用醉翁聚星堂韻

癸未

新春綵燕銜花萼，亂點霜松勢猶薄。

精虔一念格天心十日春風雪仍作下春寒霰漸飄灑
入夜同雲滿寥廓曉來朵朵玉花飛惟見瑤臺光灼爍
拊循畿甸有賢尹飭吏巡行徧村落時兼管順天府尹事務但教
萬姓免飢寒那愧重裘擁狐貉散糜已給人三孟走險
疇爲烏一攫况復龍門地清峻似水門庭可羅雀揮翰
開酬賀版文翹材時禮公車屨公方憂樂爲天下肯築
園林名獨樂三白欣看宿麥抽二紅且借新茶瀹朝回
靜坐無一事獨攸元關歸澹漠卻將吟筆追歐陽硬語
盤空運詩槩儻容賈島共推敲不羨旗亭供笑噱

正月十二日南石師招及門小集用坡翁聚星堂

詩韻見示依韻奉和

春雲不動鏘瓊葉暖日温暎鍊乾雪玉虹夭矯淨無塵

瑤島樓臺正清絕

賜第在西苑東偏

先生酌酒杯脣深弟子升

堂屐齒折卷簾拄笏看西山松頂寒光半明滅陽春一曲發清興筆陣翩翩驚電掣要先桃李鬪心花未許雲霞生眼纈年豐且復歌飯糶才大何論鋪木屑晚來凍合月承幌簷際回風尚飄瞥今宵立雪已多時明日試燈重細說春風一月行共坐莫畏重裘如壓鐵

送舒蘇橋同年夢齡出宰巢縣

冰銜忽換宰官身休戀清班侍

玉宸漫說文章能報

國可知令長最親民人推儒苑多循吏

帝念黎元用近臣努力莫辭勞撫字須教百里俗還淳
牽絲典邑入官初簿領何嫌晦室如網紀祇須除害馬
精明休恃察潛魚安貧法好無過儉折獄心平更要虛
差喜山衙公牘簡未妨讀盡濟時書

濡須遠繞橐臯城吳楚當年此戰爭山劃中原皆北向
關臨天塹正東橫高秋草沒曹公壘落月波連亞父營
今日太平無界限好攜盞極勸深耕

皖江入夏漲連天流到居鄴地稍偏縱使徐塘完石堰

那堪鑊里近湖曠飢寒或恐民無告
賙卹須防吏有權
更望略施疏鑿手汗萊儻盡變腴田

分曹鬪韻記追陪飲罷離筵去鷓鴣催無計可留良友住
有人凝望使君來西風柳盡空腸斷南國花多待手栽
治譜脩成煩蚤寄爲君傾取掌中杯

壽蕭山王晚聞先生宗炎

會稽山峩峩之江水鄰鄰山水分動靜樂壽兼知仁
先生其間淑氣分清純窮經闢奧竅博學通天人射策
登甲科謂當紆朝紳一抒素所蓄坐使風俗淳先生掉
頭去高隱空江濱默觀進退際消息全其真擁書十萬

卷著述已等身邇來四十載甲子歷絳旬聲名動海內
耆德彌精神緬維文中子聖域開荒榛及門得房杜鬱
爲梁棟臣豈徒私福時庭誥時周諄先生庶幾焉福與
德並臻餘慶衍奕葉致用期傳薪登山必升嶽導江必
溯岷伫行太平策仁壽綿千春

聞鹿樵觀察乞養南還詩以賀之

熙朝

孝治逮羣臣

詔許還鄉侍老親兩代承

恩全絜養一門濟美得完人詒謀縱有延年術報

國誰抽鞅掌身何似君家傳盛事循陔世世沐

皇仁

尊人息園先生官侍御亦以親老乞歸

鳳池世掌直

綸闈廿載晨昏與願違黃閣雙扉還北向白雲一片白
南飛已知眠食多無恙猶有親朋訝未歸獨我識君心
事久退朝花下每長歎

太行山勢隔巔峴欲奉輕軒料更難臣志那能忘愛日
天心方倚鎮狂瀾從容奏績期三月愷惻陳情解一官
萬姓欲留留不住焚香爲母祝平安

歸去城東築養堂琴河弦接七條長百金初構徐公宅

千畝應增范氏莊
高閣秋風開鄴架
小園春日醉潘觴
醴泉交讓尋常事
更看新題德壽坊

金臺賃廡乏茅椽
解帶辭家意惘然
微祿未能餬八口
慈顏况已隔三年
但教薄笨輕裝辦
擬迂安輿就養便
出處雖殊情不異
與君共譜白華篇

忻州民李榮其子婦崇于狐醉以酒縶而獻諸州
州刺史浚儀宋君竹苞牒城隍神而同鞠之狐伏
厥辜迺納諸穽埋東廊下爲塔以鎮焉時嘉慶十
三年三月也近山右有閩思虎之獄感而記之

甲申

縛虎易縛狐難導虎而游其足蟠伏民難伏狐易術未
通天猶可餌餌以醇醞墮網中雙眸睽睽兩顧紅執而
戮之斯可矣此狐久已無生理繫而弗殺獻刺史此狐
轉可以無死刺史治狐如治民强者必懲弱則馴綏綏
帖耳更俯首飛仙伎倆亦何有况復妖本由人興人無
覺焉妖敢憑使君斷狐用人律陰訟成宜輸暴室不女
忍殺女勿佚薶石鎮之狐獄畢吁嗟乎鼠牙雀角無時
無牧民貴哉强暴徒怯如狐尚蔽辜暴如虎矧可逋奈
何縱虎如縱狐終難上追雷霆誅傳語三晉之大夫請
看秀容城中截業高浮圖

題李榮蹊母劉氏遺照

太息涓埃孝難忘河海慈昔人曾刻木同此有餘悲
教子安卑秩承先守墓田瀧岡應有待他日表新阡
手奉遺容去遺言感愴深蜀江清見底莫負事親心

榮蹊

時官
蜀中

題某節母秋燈夜課圖

暉暉月入戶惻惻風動帷沈沈聽遙漏札札鳴寒機中
有茹茶人篝燈課兩兒大兒能說禮小兒解誦詩眠兒
手中書眠母機上絲一日或輟業後日紛難治朝續十
指隳暮續兩目眵不惜十指隳爲兒具薄糜不惜兩目

眇爲兒易敝衣無衣兒苦寒無食兒苦飢飢寒尚小事
失學母念之男兒不讀書虛生亦何爲兩兒聞母語吟
聲益酸悲庭柯宿慈鳥驚起繞樹飛

春暉薄西山奄忽不少待太息區區心涓涓答河海兒
學日以成母力日以殆勒石俟瀧岡循陔罷萊綵二龍
聘長塗逸譽步元凱聯鑣上計車需次滯邑宰悠悠九
原思忽忽十餘載綽楔增輝煌新祠卜爽塏母恩何以
酬母訓幸無改韞此珙璠珍將爲

廟廊采升沈有遲速精進勿豫怠明發質先靈庶幾無
後悔廢箋凝蛛絲孤檠闕鸞彩還憶授經時音容儻如

在

披圖再三喟愀然念高曾寒門正中落外侮仍憑陵吾
祖昆若季穉弱衣不勝賴有兩賢母辛勤奉嘗烝力作
借娣姒紡績共一燈是時里中疫往往有物憑三更聞
鬼嘯髣髴形鬚鬢一叱下階滅皓月青天澂回看娣姒
輩眩轉寒凌競始知正氣勝邪沴不敢乘有時喉吻燥
無水但飲冰遂令一脈延不絕如懸縵爾來百餘年里
鄙猶交稱矧在後之人敢弗思繼承敬繹女宗傳令我
忱惕增題詩無飾語永永垂雲初

蔣伯生丈因培入關圖

知止齋集卷之六
人情憎傲吏

天意惜奇才薄謫緣時議

殊恩蚤放回新詩吟雁磧舊夢憶烏臺唱徹刀環曲山
城畫角哀

豪氣平生累雄辭塞外尊何當案蕭育竟許赦虞翻老
去身猶健歸來舌尚存燕園松鞠好往事莫重論

曾霽堂丈暉春公餘課讀圖

我昔匣劔游南州雙龍蜿蜒繞斗牛鳳山脩水在眼底
欲往從之愁無由閒評雙井求鷹爪

雙井茶產
義甯州

泥飲時

時過野老爲道賢侯水掾清官衙常聽書聲好前年射

策明光宮公之叔子人中龍

令嗣少坡同年

聯鑣恰似驂之靳

卻望蓬萊第一峰今年五馬朝

京闕誼重通家初展謁雅度欣披蔭暘風高懷共仰新
秋月竭來子舍暫停車涼水河南侍鯉趨挑鐙閒話西
江事示我公餘課讀圖圖中歷歷人如見長者題蕉少
捧研一鳳羣看文形成聯珠合備清華選碧梧脩竹雲
徘徊桃花李花次第栽人喧亥市莎廳靜架插丁籤囊
帙開紛紛綰綬分符者亦欲心情事陶寫文書堆案目
昏眊那有餘閒到風雅公才恢恢無不宜餘力講畫能
兼之焚香細讀元豐藁行部閒徵山谷詩山連銅鼓田

境薄絕少餘資養籠鶴三載差酬撫字心一家自足神
仙樂卽今雙旌返艾城竹馬來路兒童迎秋成處處歌
聲起更聽秋齋夜讀聲

題方子華孝廉鉞消寒圖卽送其旋里

家山如此好爭忍別三年記得空江畔同登上水船歷
篷千片重倚櫂萬珠圓今日君歸去增余客思牽
君到江鄉日寒梅影正癰巡檐應笑爾彈鋏竟歸乎涸
跡慚今我高情失故吾披圖如見憶能惠一枝無

贈張芥航觀察并

我昔杖策過夷門黃河雪浪浮鵬鷗訪君衙齋下賓榻

清秋落日開金樽曉登吹臺望繁塔金碧倒映樽桑暎
下方茫茫九萬戶牧澤煙樹連漁村不知宰官何善政
但見風俗清且敦揮手一別忽七載清夢尚憶春雲痕
聞君歷政任繁劇佩觸治絲能理煩許下人物爭輻輳
汝南月旦息辨論竭來述職方就道銅符繡憶朱兩轡
天顏未覲

詔書下拔擢不次邀

殊恩

聖皇無私燭萬物屏棄魚目收璵璠選勤簡能列鉅鎮
要使撫宇安黎元弱翁治行天下最仁秉節鉞升藩垣

青雲一蹴自茲始雕鶚直上孤鴻騫相逢握手露肝膽
同調快叶箴與墳圍鑪細酌話疇曩餘瀝肯顧空餅盆
吾儕讀書期實用豈爲俸入周兒孫侵尋老去殊可惜
及時建豎心猶存君今節制更遼闊治體貴在探其原
善爲川者決使導建瓴那患流奔渾沿河上下五百里
屹立不動憑王尊馮蠡切和土壤沃行看春稼如雲屯
卽今微陽水泉動梅花破冷搖晴暄官行有程留不住
送君雙旆還梁園兒童喧闐騎竹馬共提壺楹迎歸轅
大裘製成須徧被聽君吹律回春溫

挽戴暢村年丈景和

清秋

朵殿記傳宣

垂問庭闈

雨露偏曲體臣心方愛日親承

天語冀長年暫歸初迂安輿到無術能令上壽延臘盡
春回圓月滿寒芒忽掩德星躔

長身鶴髮氣如春萬口齊聲頌善人楨木栽成皆有用
籛金散盡不言貧近聞巨浸漂鄉邑猶念旁施卹族媼
丹旆祇今歸去也哭聲應滿五湖濱

佳兒奏第極崢嶸差慰窮經皓首情穆行固應邀厚佑

虛衷仍更戒持盈酒杯百慮都能澹文筆千篇不近名
欲奠生芻何以侑新尊合酌玉泉清

憶向高齋拜起居維摩示疾浹旬初從容譚笑如平日
浩落胸襟似太虛助我且求經世學教兒多讀濟時書
延君徂謝吾安放願共橋楊論石渠

張仙槎山人寶汎查圖

乙酉

我昔挂席浮東溟回帆倒指乘查亭方壺圓嶠不可到
但見鬱鬱蒼梧青芙蓉仙城在何許靈蹟尚記石與丁
冰車鐵馬閤巖谷流蘇寶蓋高竚辨我時卍角方八齡
聞侍石室聞傳經誦聲琅琅答瀕洞靜夜時有蛟龍聽

空山坐閱雲海幻百五十度周新冀水仙操成琴響絕

桃花萬樹悲凋零

乘查亭在海州見蘇詩余於嘉慶戊午隨侍先君子於荆陽學舍凡十有

二年此上皆紀其事也

十年浪游走南北孤鴻集木形伶仃爾來

溷跡在人海玉堂退直門常局斜街地僻少車馬與君

相值如浮萍示我汎查圖兩帙開緘已覺風泠泠吹臺

春深繞清汴直沽秋漲生寒汀滕王閣前晚霞綉嚴陵

瀨下幽蘭馨披圖歷歷溯疇曩此地吾亦曾揚舲

丁丑游汴

庚辰浮海河南還明年由湖抵豫章

平生壯志寄五嶽汨沒塵土真勞形

舊時鷗鷺共譔笑安用局促紆紅綰三更爍炮光熒熒

參旗西轉月入櫺夢中忽歷釣游地雲臺窈窕開蒼屏

山頭仙人亂招手令我爲草新宮銘俗緣恨深道根淺
天風吹墮遽然醒春光二月回郊垆子規催人暫停
黃河雪浪雲漠漠白門煙柳花冥冥君歸牽船岸上住
爲我寄語鍾山靈逝將約君東海畔春糧剛取千歲苓
乘查徑浮天漢去耜耕高摘匏瓜星

簡羅茗香上舍士琳

我生兩眼如矇眊差幸闕天識北斗三階九列光燦陳
一一疇能辨誰某羨君妙術通乎神迴算帷幕書等身
握籌布畫目炯炯騎危夜夜觀星辰星辰誰爲立名字
此語坡公近遊戲我今形似且不知矧乃節章與儀器

百年豈能窮九州何必畫壁作臥游今時不見古人像
焉用圖形涉冥想獨憐人生日戴天舉頭便見心茫然
夢中箕尾捫厯厯覺來懷袖空雲煙鵝溪熟絹滑于紙
要寫穹圓歸尺咫勸君更須速示人兩卷素書大如指

謁包孝肅祠

丙戌

古祠叢木鎮荒涼極目隕波感喟長冷面豈能諧俗吏
清心差可證虛堂人間關節知難到天上璇璣漸露芒
祠對七星巖 一事告公應鑒我并無片石壓行裝

按試黎陽得黎生耀宗傅生嘉皆少年雋才也詩
以志喜

揚舲擊汰泝瀧江厭聽漁謳變越腔試向清波釣魴鯉
更尋香氣擷蘭苕當頭皓魄逢三五入手明珠喜一雙
差慰南來循訪意空山猶有足音登

瘴鄉煙雨冒荆榛欲闢荒蕪更在人苦辨靈苗識真贗

養成喬木費精神媿隔蠻語偏諧律黎生操土音雛鳳清聲

迥出塵傳生之父文行亦優何日化爲雙劍去斗牛紫氣見龍身

成果亭中丞格詒經圖

嶺嶠今雄鎮勳猷古大臣喬松占氣象滄海見齋淪而
歲恩皆洽宣風俗漸瀆由來施教化端本在人倫

千仞翔威鳳高梧得氣新傳家惟孝德析理勝經生陋

彼顓門學徒思稽古榮他時稱相業不獨數元成

石室荒蕪久重摹第二圖

七星巖下有石室神仙之窟宅也余按試端州首以此題

試士以先君子有石室傳經圖擬繪第二圖以繼前軌

衣冠推此地肱贅媿今吾

南海看鵬化東溟記鯉趨還期師哲匠大雅藉輪扶

示九歲童子傅齡

風神秀徹貌嫺詳更喜揮豪詠鳳凰
解說鹿鳴求食義季方真不讓元方

總角荷衣弟與兄藍田雙玉色精瑩
連灘山水原清絕合有清才應候生

何相文前輩南鈺以重摹貫休渡海羅漢屬題

昔夢依蓮坐

記丙子年夢事

滄波一粒收十年墮塵海萬里到

炎陬寶相開新本靈蹤憶舊游來春渡瓊甸儻遇本師
不

梅州兩生行

并敘

觀風嘉應得李生光昭卷歎爲奇才後見劉樸石前
輩彬華所輯嶺南羣雅選其詩沈雄頓挫卓然成家
復有徐生青者詩學昌黎得其神髓及按試梅州李
生以居憂不與試徐生則以株累削諸生名矣怊悵
久之賦此志感

我乘星查釣炎海拂袖珊瑚發奇彩百尺脩綸不敢收

波間恐有驪珠在，禹山二子黃。子高與梁梅物色久未逢。

孫陽品題詎肯寘，軒輊規矩焉用拘。圓方梅州人物誰

冠冕，長吉攜來冰雪卷。倚劍悲吟鐵漢樓，揮豪妙寫羅

浮繭。天風浪浪吹海平，紫電一掣蛟鼉驚。冰車鐵馬散

巖谷，掩底似有波濤聲。玉壺山人樸石自號今作者，貽我新

編，拚羣雅就中更得徐陵詩。勅敵相逢和者寡，宵分翹

首牛斗躔，寶氣煜燦光燭天。雙龍矯矯合變化，胡爲雙

屈埋深淵。竭來文壇整顛，鞅憑軾。今朝得欣賞，壁上環

觀笑爾曹。眼看秦楚誰雄長，那知才人合數奇。悠悠風

蕭增我思，一鉤寒月沈暮筆。彷彿猶疑夢見之，李生饑

知止齋詩集卷八
走荒江淡旦夕祥琴聽復理所嗟薦士無昌黎東野窮
愁行老矣徐生徐生奈爾何失腳蜃窟隨衝波青衫一
領還不得令我兩鬢空摩挲南溟漠漠雲如墨入手明
珠黯無色捶破成連海上琴釣鼈終乏千鈞力

發那旦至太平

丁亥

才出陽春界山行別擻荒畬田經燒黑茅瘴雜雲黃地
瘠宜栽薯人羸類暴疔欲懷鉛槧記無術問形方
漠漠猶含霧荒荒不似春草深微有路村遠更無人起
伏循岡勢崎嶇歷澗濱還應愁夏潦到此欲迷津
前導杳難覓肩輿入彀中祇防崖壑裂絕少石玲瓏土

已千年蝕車惟一軌通舊游吾似歷彷彿穀城東
轍迹深如許迷陽一徑微枳籬多礙憤藤刺怕鉤衣擊
穀知難避蹊田計恐非無煩飭征騎越陌此應稀
榜人艤船待問渡溼車襜絕港通潮信停輿看水添沙
明疑積雪波淨覺微鹹夾岸觀如堵吾應不汝嫌
近海風逾勁初晴雨乍收炎氛薰草木很石鬪羊牛日
暮旌旗亂城荒鼓角適山農差樸野喜聽太平謳

和李陸平制軍重游荔支灣集景蘇園元韻

記得年時細雨中清游曾許七人同
去年五月芸臺尚書招集邱氏唐荔
雙枝綠櫂衝波膩百顆頰珠入手融
高會虛論唐將

幕華筵莫問漢離宮名園尚未芳鄰買付與風荷一鏡

空

去歲游讌時李氏尚未築此園

遙聞鈴下遍分甘坐嘯風澄雨度探樹愛召公應勿拜

泉供附子不名貪招來仙侶星辰集傳到新篇筆墨酣

獨誦坡翁珮俎句軺程可惜滯廉南

坡詩謂廉州龍眼可敵荔支時余方

按試廉州

題唐荔園圖

曹松詩句已成塵那數昌華霸蹟湮解噉仙家長壽果
祇應吾輩振奇人山翁種德非充隱遊客流涎欲結鄰
不是坡公能作達南來萬里亦何因

又到紅雲設宴時
聲聲聽喚荔支支
行輅把卷空相憶
浹歲尋盟有所思
波暖溟池風燾遠
涼生

朵殿日輪遲還應問訊將軍樹果否
楓亭味更奇

去年阮尚

書招集園亭飽啖竟日未幾尚書徙鎮滇南誠齋樵使
秩滿還朝唯益亭將軍移節閩中故有楓亭之句

慶蕉園將軍保指畫
峽蝶便面爲姚虎臣茂才題
腕底生枯信有神
尋香尋豔態疑真
秋來飽讀將軍畫
怪底風花總似春

八月南園草已稀
依然雙宿復雙飛
與君同汎靈查去

撲得羅浮鳳子歸

時將校試惠循

秋堂聽雨圖爲許青士觀察乃濟題

并敘

圖爲杭堇浦先生在翰林時作同集賦詩者凡七人
桂堂主人及澂波周憲別茶吳瑋增夕山熊長發靖
巖許鉞江民邵廷建琴高高睿書之者爲讓谷周天
度作畫者具區王任湖也續題者二十有一人皆一
時名宿圖作於乾隆壬戌迨嘉慶庚辰何藜閣太青
得之以贈青士青士靖巖之孫也

虛堂忽晦冥秋在畫圖裏中有韜精人沈酣呼不起昇
平諸老輩妙契達微旨東省休沐歸西山挂笏視流連
數晨夕跌宕論文史陽關一以唱急調變清徵

圖成之
次年春

堇浦卽以
言事論

當時染醉翰游戲偶然耳豈料坐中人流傳

到孫子南屏社久荒松吹堂已圯去年孰主賓聚散等

悲喜君家世澤延逸轡騁千里聯翩騰祥鸞赫奕整繡

牙初持炎嶠節遠望黔陽鯉

謂令弟滇生學使

無山夢連牀且

聽牂牁水我吟秋雨歎七葉念前軌緬惟先大參詩癖

耽子美善畫得蕭生手摹三十紙春深浣花堂月暗夔

州市煙雲瞥焉邈零落荒江淚劍化定幾時珠還竟誰

俟

先大參公會屬蕭尺木畫杜詩三十幅宋荔裳有詩

廣廈權若何素心冷如此

卷圖萬籟收秋空淨無滓

慶蕉園將軍泛月理琴圖

晴漪十頃涵碧天天空雲靜月浪圓移情一曲彈水仙

刺船還者疑成連憶昔臨安馳使節改弦張之獄已折
湖光笑視心同潔西冷橋外月如雪簿書堆裏抽身來
前生明月襟懷開湖淥韻琴琴韻回繞指忽發賀若雷
裏湖外湖人語靜大弦小弦攫醪併餅笙泠泠夜正永
驚破孤山鶴夢冷自從建節過臺洋赤嵌城外海水黃
天風吹月聲浪浪時賡天籟諧宮商宮商之理通治理
先生履近石湖矣吳閭遠近弦歌起竹馬踏月記齟齬
泔荆江上月迎人又見黔陽秉鉞新一琴清獻常隨身
入抱皎月無纖塵官久年高德亦劭三楚經臨還六詔
閩嶠灤河遍登眺又復彈琴倚月歛卽今輶傳來羊城

正值元戎出

上京膠柱而鼓慚持衡願從絃指依和聲况復中秋月
的皦七十正逢天壽錫展圖恰喜盛年覲鶴南飛曲試
吹笛

王漢衢前輩利亨琴籟閣圖

汾亭傳道志霖雨濟時心今日韓江上誰知太古音至
和無攫醜未俗惜澆淫應憶唐風古弦歌化已深
鼓琴人未遇寤寐想風規清聽忽如許披圖今見之孤
松雲去後叢篠月來時流水平生意澄懷釣容知

漢衢前輩竹航心蹟畫冊

黯然銷魂別而已况復天涯作游子白頭如雪淚萬行
太息孤征從此始燕山杏陌蒸朝霞北上初隨計吏車
温嶠絕裾非夙願周磐解帶竟辭家天門已展摩霄翮
又指雲中墮飛鳥宛轉慈烏徹夜唳巢痕難向新枝易
山城斗大試鳴琴目斷程江深復深憑將神化丹青手
寫出陔華潔白心衙齋聽打統如鼓銀筆人爭脩治譜
無端噩夢驚龍蛇銜索枯魚泣風雨披圖涕淚溼麻衣
往事從頭數夕暉一瓣心香祝荃宰十年春草戀葭關
祥琴切切初成弄東去韓山擾鸞鳳江上煙波特地寒
時有真靈來入夢揭陽進士山澤耀遊戲聊與籍湜徒

退之仙人招不得掉頭簸弄明月珠菊坡拂衣臥南海
名動九重想風采空勤天使走炎荒不見幡然高節改
粵江容與山嶙峋粵東古多沖澹人先生抗志甘隱淪
焉肯離離長風塵曩時祿仕祇爲親親亡且自全其真
夢中覺路原了了已悔抽身未能早何當重踏春明道

前有尊酒行

今日一尊酒明日當案君語君且勿悲猶幸逢故人故
人不負君君迺負百姓君迺負朝廷君迺自取病昨朝
相迎水之湄故人知君君不知倒持手版尚關說離離
致詞汗浹頤不忍便案君且盡一尊酒疇昔周旋時君

今頗憶否當時讀書史古義夙所敦何期涉人海頓忘
旦旦言清漳與濁漳異派同其源一朝出山逝不反清
者自清渾者渾噫吁噫故人知君君尚爾何況紛紛者
餘子暮夜懷金吾掩耳

從梅州按試惠循冬至日舟次苦竹派爲姚旨傳
題梅華山館圖

吳儂抱梅晝掩關裁花作骨吟魂屨平生逸氣發遐想
幽夢忽落羅浮山羅浮高高在何許惟躡仙雲時往還
謁來持節到炎徼東走甌越南駱蠻便擬徑騎五色鳳
碧落上綴蓬萊班麻姑送酒玉妃舞月下珊珊聞珮環

豈知兩年絆鞵鞅漸覺雙鬢生霜菅瘴風蜚雨苦相逐
鐵橋石柱何由攀卽今輶程指循惠揚舫夜泊東江灣
微陽一綫春氣動篷背寒雨聲潺潺文書叢雜眼已倦
根塵束縛神先頑松風亭下兩玉蕊彷彿縞袂歆雲鬟
夢游咫尺不可到况乃兩腳飛屣顏不如高人住空谷
巡欄索笑歲月閒安心那用擇地蹈清福未必皆天慳
會當拂衣上烏目醉臥萬樹瓊瑤間

題高明譚廣文良卿詩藁後兼寄徐明府應照

鑿羊峽下雨沈沈詩境微茫不可尋兩度端江停使節
百年庭樹見初心春深炎嶠寒裘戀雲護崧臺鎮日陰

嬾躡幽崖探勝蹟一編差喜滌煩襟

鄭虔老去酒錢空賴有奚囊尚未窮悟徹世情方樂道
語含天性不求工鱸堂苜蓿荒涼甚梓里簫韶想像中
東海使君詩筆健定邀酬和一樽同

張南山同年維屏屢爲余言雲泉山館之勝無暇
往遊也觀竹樓觀察瑞以新詩屬和率筆奉酬并

東南山

戊子

鎮日孤吟九曜前靈源一派導濂泉

使院卽古藥洲地
九曜石在其旁舊

有濂溪書院池水上
接女溪今漸涸矣

三年飽飲甘溪水十里空懷小洞

天欲訪蘇崔無片碣判將林壑讓臞禪

東坡蒲澗寺詩
菊坡水調歌頭

明劉介齡
摹勒上石秋深擬補鼇頭會好訪蓬萊第一仙

辭辭水想繞樓前更接朋泉與泰泉綠霧亂霏桃竹雨
紅雲隔斷海珠天才人已集金閨彥俗骨難參玉版禪
覓得羅浮春一醅可容入社供詩仙

張仙槎灘江泛權圖

我泛含涯江楞伽同冠朵朵蓮花躩陰厓陽竇倏忽十
百變但見銀房卸砌上下指拄排雲窗我躡陽春洞金
芝玉髓倒浸春星凍劉仙歌聲縹緲千峰頭鞭叱龍螭
跨鸞鳳崧臺七曜明銅儀韶石雙闕吹參差羶羊中宿
兩三峽揚舫所歷人共知到難古稱碧落洞尚未及此

形瓌奇篋中礬就鵝溪絹恨無好手模範之猶惜瀧迴
灘峻一徑入螺尾不如桂林陽朔煙巒萬疊紛迷離桂
林高高在天上牂牁直下桃花浪側身西望魂夢勞閒
逐蒼梧雲蕩漾君從灘江迴示我橫圖二丈滄波開瑤
簞玉筍矗立杳無際空中湧出金銀臺眼前突兀現奇
境令我目眩舌撝心徘徊天公故作狡獪戲鑿劊百怪
棄擲荒江隈被君偷洩造化祕歸舟或恐六丁追攝驅
風雷君今老矣倦行路艤槎還指金陵樹六月炎雲東
嶠橫盍姑道暑珠江佳更向春州連州續臥游寫盡嶺

南山水去

謝佩禾青山別墅圖

買山縱無資，猶當蚤旋歸。矧茲好山色，久別計恐非之。
子遠行役長，與青山違。寫山寘篋中，儻與山靈依。回首
敬亭雲日暮，西南飛珠江。寒汐上蒲澗，清磬微徘徊。越
王臺瘴霧，霑人衣。家山花信動，園林春物霏。何不理歸
櫂，高蹈企前微。我無山可隱，白首有慈闈。行將拂衣去，
躬耕掩蓬扉。

送成果亭中丞格都護灤陽

幽歌正擬晉瓊筵

玉詔新除下九天，將幕忽看移萬里。

皇恩已許借三年吏民無那攀留切筦鑰終歸倚任專
豫引離尊當壽筭甘溪一勺是廉泉

壽星輝映丙丁方恰數歸程過豫章夾道官梅迎使節

沿隄嘉橘盡甘棠

先生前撫江右惠政在民

雙旌共喜今重駐一酌

應須累百觴贏得穗城千萬戶每依南斗望弧光

敷歷詞曹更六曹回翔四鎮擁旌旄南溟風定連天淨

東嶠煙銷拔地高器合羣材皆翕受身親庶務不辭勞

年來報

國心逾壯未覺輕霜上鬢毛

瞻舉真同劉穆之卽論風雅亦吾師鈴轅休暇讎書日

講席從容校士時延客襟期當代少愛才心事幾人知
萬間廣廈孤寒庇不獨蒼黎繫去思

記從江上迓仙舟黃木灣頭疊巘浮朗照恍逢晴日曉

澄懷想見海天秋

乙酉冬余自閩至粵適先生祭南海神廟相遇於波羅廟前

三年

容我陪丹轂一月遲公駕絳騶更喜江陵能借宅近看
調鼎卜金甌

梁生梅春堂藏書圖

涼飈日以厲春暉日以徂沈沈翳宰木惻惻嗟慈烏堂
中練裳子掩卷長歛歔撫楹中夜喟逝將辭敞廬敞廬
亦何有縹緗富五車兒身但安讀母力已卒瘞膏肓病

難療所願捐兒軀剜肉續母命不得延須臾自從失恃
後銜索悲枯魚汲古縋愈長仰屋計轉迂疇昔有母在
經營忘其劬爲兒典釵釧爲兒脫璫珠不知無父苦今
也母又無有臺難避債有字難償逋一椽不可保忍死
保遺書此堂屬誰氏空復抱此圖堂前舊巢燕兩兩棲
孤雛驚飛起繞樹側睇形瞿瞿披緘意軫鬱攬筆心煩
紆中有泉臺淚望兒眼已枯

張南山同年維屏黃梅拯溺圖

磬磬澤中雁啞啞城上烏開械燈燄碧一幅流民圖江
流莽無際雉堞周遭孤銀濤卷島嶼雪浪浮村墟居民

蟻緣垤或負擔或趨田園已蕩盡母子猶相扶至今側
耳聽彷彿聞嗟吁誰爲還定之張侯起番禺惟侯蒞黃
梅攝篆初治邑吏民識王尊童子迎郭伋太歲在昭陽
淫雨過百日江漢從西來怒遏水倒立其南匯彭蠡九
派呀噓吸長隄紆一綫計里逾九十原薄形已危衝齧
勢尤急侯也籌之殷捐金亟補葺下楗千鎚喧舉錘萬
指集村循忘寢興蹇踣冒炎溼數定功難施力窮防竟
蟄白日竊蠱驕黃昏鬼神入下弦月正晦野黑陰濛濛
墳原變巨浸間井成深猗黔黎百萬命久擬填龍宮指
揮豫遷避實賴侯之功幸猶存骨肉遑敢悲孤窮侯乘

一葉舟誓與百姓同振飢備餓餌禦溼儲鞠藁中流觸
亂石引船遇回風斗落箭離筈眩轉雲飛蓬失手那可
救性命洪流中官清蛟蜃伏天遠精誠通入險復出險
登岸心忡忡歸來操簡牘臚實陳大府大府動咨嗟飛
章奏

當亡上官絡繹來騶從逮牧圉侯曰毋擾民於我乎授
楛維時方炎歊紀序逢夏五山城如斗大入保數千戶
創痍已蒿目瘴癘矧露處不有蔭暘恩那免揭竿聚侯
曰毋苦民便宜發倉庾貸粟戶一鍾計食人三鬴時時
佐肉糜稍稍雜糗粒咄嗟指顧間百事無不舉是歲江

流漲汎濫徧吳楚葺城探赤丸制梃驅碩鼠柴桑咫尺
地統如歌五鼓茲邑風何溘竟忘流離苦村農告其兒
老嫗顧謂女汝勿愁飢寒張侯能活汝左糴而右粥庶
幾莫余悔首尾百日間帖然獨安堵展圖意怛攬筆
重徘徊念我先君子秉鐸東海隈丙寅夏五月夜半河
隄開建餞東北注河水天上來六塘失故瀆萬井沈寒
灰伊廬沒山腹湍激聲如雷先人雖閒曹捧檄亦振災
輕舸穿樹杪檣艣俱爲摧力微多掣肘紆鬱邱山隕至
今秦東門戶祝薦綠醅古人重荒政治理經權賅行藏
雖有命德業貴自恢君今理祥琴切切有餘哀行展富

相策

廊廟方需才

桃花歎

倚天照海朝霞明冥冥花氣芙蓉城蒼藤翠壁自千古
彷彿尚聽胡琴聲玉簫吹徹鴉飛輕上有仙人騎紫鳳
銀梯纔得躡初枕雲葉鏘然破幽夢搗來嶺海乘仙楂
樽桑百尺開日華嫣紅籬落一枝露疑是溪頭人浣紗
空中錦繡紛無數手擲泥丸三萬樹劉郎去後更誰栽
重游空記來時路